





字(3)161

8677

5-12







說文引經攷證卷三

嘉定陳琢學

邑後學徐邨參校

竹部

蕩大竹也夏書曰瑤琨筱蕩今作篠蕩猶荷莛之作荷篠也
筵竹席也周禮曰度堂以筵筵一丈今見考工記作堂上度
以筵其筵一丈句乃漢經師之說也

簞藩落也春秋傳曰簞門圭窬今作竇小戴儒行篇與說文
同作窬釋文云徐音豆鄭云門旁窬也穿墻爲之如圭矣郭
璞三倉解詁云門旁小窬也音史左傳作竇杜預云小戶也
案漢書集注竇穴也禮運注竇孔穴也與窬義相因而周禮

說文引系五部 卷三
大宗伯大司樂釋文俱云竇本作瀆是竇又與瀆通也

籀禁苑也春秋傳曰澤之目籀今三傳無此文先子曰同年

陳編修壽祺曾述其友之言曰目籀即左氏昭二十年傳之

舟鮫也舟爲目之譌鮫爲斂之譌說文籀之重文爲斂左傳

本作斂傳寫脫誤爲舟鮫當據說文以正之

箕部

丌部

巽巽也此易巽卦爲長女爲風者今作巽案許義當時易已作巽矣故特著明之

左部

工部

廷部

巫部

甘部

曰部

召出氣詞也春秋傳曰鄭太子召重文爲召今作忽忽召古
今字論語仲忽人表作仲召

瞽曾也詩曰瞽不畏明今作瞽案尔疋瞽曾也郭云發語聲

毛傳瞽莫懲嗟胡瞽莫懲瞽不知其故俱訓爲曾用尔疋義

也漢書劉向傳集注荀子富國篇楊注亦訓瞽爲曾是瞽瞽

同字今以憺爲憺怛義字之借也

弓部

弓部

可部

兮部

号部

亏部

粵亏也審慎之詞者周書曰粵三日丁亥今書無此文益逸

書也

育部

喜部

壹部

鼓部鼓郭也春分之音萬物郭皮甲而出故謂之鼓周禮六

鼓鼙鼓八面靈鼓六面路鼓四面鼗鼓皐鼓晉鼓皆兩面今

地官鼓人作以雷鼓鼓神祀以靈鼓鼓鬼享以路鼓鼓社祭

以鼗鼓鼓軍事以鼗鼓鼓役事以晉鼓鼓金奏八面六面四

面兩面之說俱見注此亦許君引經以經師之說足成其義

也皐之與馨字異義通本部馨大鼓也引詩馨鼓弗勝毛傳

亦云大鼓也後漢書馬融傳注咎鼓大鼓也書皐陶謨說文

作咎見前釋文亦云本又作咎又廣雅釋草菴蘇白荅也白

蘇或作翠蘇山海經翠蘇一名白蒼蓋皋又與翠通故皋陶列女傳作翠陶左傳越皋如春秋繁露作大夫翠翠蘇卽翠蘇白蒼卽白藁也

齧鼓聲也詩曰齧鼓齧齧今作靴鼓淵淵案韜之重文作靴亦作齧齧靴齧本一字廣雅齧齧聲也詩有駸鼓咽咽釋文云本又作齧齧張衡東京賦雷鼓齧齧集韻淵古作淵从淵从淵一也詩采芑傳亦以淵淵爲鼓聲齧爲正字淵爲假借字

豈部

豆部

豐部

艷爵之次弟也虞書曰平艷東作今作秩案反部敘次弟也是艷敘同義禾部秩積也自隸變以秩爲艷開元時改書之艷爲秩

豐部

虍部

虍部

虎部

號易履虎尾號號恐懼一曰蠅虎也今履卦九四云履虎尾愬愬終吉震卦云震來號號荀本作號號王侍御云愬號古

同聲許君以恐懼意足成之傳履卦兼用震卦義也

虬部

皿部

去部

血部

盥血醢也禮記有盥醢以牛乾脯梁籩鹽酒也今作醢醢見
 少牢饋食禮周禮醢人亦作醢醢詩行葦醢醢以薦儀禮聘
 禮其南醢醢公食大夫禮韭菹以東醢醢昌本俱作醢不作
 盥不知盥本从肱得聲省肱爲尢涉醢字文而誤从酉說文
 酉部無醢字

部

丹部

獲善丹也周書曰惟其敷丹獲今作塗隸古定本亦作敷疏
 云二文皆言敷卽古塗字據疏則上文塗墜茨之塗本亦作
 敷塗與涂途通釋名涂度也人所由得通度也是涂以度爲
 義从度之字可通假矣說文敷閉也重文爲劇从刀廣雅坡
 塞也而杜亦訓塞見一切經音義引國語賈注又見小尔疋
 廣詁及漢書劉向王陵鼂錯灌夫司馬相如杜欽諸傳集注
 閉塞義相因則敷又與坡杜通故元應云杜古文敷王陵傳
 集注云杜本作敷書費誓杜乃獲釋文云杜本作敷然此經

不以敷閉爲義說文墜仰塗也上文塗墜聯文蓋以仰塗爲義塗敷聲近借敷爲塗若塗墜二字俱說文所不收塗山之塗作龕敷閉之劇从反从刀不从土也

青部

井部

刑罰辜也易曰井法也今雜卦傳云井通也一切經音義二十引易記云井爲刑法也案廣疋釋詁井灋也後漢書竇武傳注井者法也初學記引風俗通云井法也節也言法制居人令節其飲食無窮竭也井法之義其來已久古余友沈季壽云春秋元命包曰刑字从刀从井井以飲人人入井爭水陷於

泉以刀守之割其情欲人畏慎以全命也初學記引說文曰刀守井也飲之人入井陷之以刀守之割其情是許解刑字與緯合矣今本說文不同而荆下次勑字云造法勑業也易曰井法也五字當在勑字下後人誤竄於荆下因刪刀守井之義徐堅所見本尙不誤也

皀部

既小食也論語曰不使勝食既今作氣案說文氣訓饋客芻米重文爲粦又爲餼儀禮聘禮記如其饗既之數注古文既爲餼考工記玉人以致稍餼司農注餼或作氣杜子春云當爲餼一切經音義餼古文作粦禮記中庸注既讀爲餼是既

氣槩餼字異而音義俱不異也

鬯部

食部

餼乾食也周書曰峙乃餼糗今作峙乃糗糧疏云說文云糗熬米麥也案說文米部精乾也糧穀也則糗精爲乾糧王光祿云凡餉遠宜乾食大雅迺裹餼糧正言攜以遠行小雅乾餼以愆則餼糧與糗糧之義正合似得兩通然說文所稱皆孔氏古文則作餼爲是糗字說文不收玉篇糗糧也釋言同論語在陳絕糧鄭本作糗張衡思元賦餐沆瀣以爲糗後漢書作糧糧糗實一字而異文寫說文者因以糧爲糗也塚案

周官邊人糗餌粉飧先鄭注云糗熬大豆與米也公羊昭十五年傳致糗于從者何休云糗糗也

餼酒食也詩曰可以餼餼今作餼餼案本部饑之重文爲餼爲餼餼卽餼

餼燕食也詩曰飲酒之餼今作飧案尔正釋言飧私也左氏襄二十八年傳加膳則飧周語王公立飧俱从天說文从艸艸部有芙字大徐據孫恂引說文云芙从竹从大又據李陽冰判定說文从竹从天義云竹得風其體天屈如人之笑於竹部補笑字不知女部媮與食部餼鳥部鵝俱从芙卽艸部之芙不必於竹部補笑字也

飫食臭也尔正曰飫謂之喙今尔正作錄然部中無錄字先
子曰五音韵謹作喙宋本說文本是喙字或本作錄者後人
因今本尔正而改說文之喙爲錄也

館客舍也周禮五十里有市市有館館有積以待朝聘之客
今作市有候館候館有積

飭貪也春秋傳曰謂之饗飭飭从殹省聲今作饗饗不省

饑穀不孰爲饑饉蔬不孰爲饉不併經今見尔正

亼部

會部

倉部

人部

疋部

矢部

侯春饗所歟侯也天子歟熊虎豹服猛也諸侯歟熊豕虎大
夫歟麋鹿也士歟鹿豕爲田除害也其祝曰毋若不寧侯
不朝於王所故伉而歟汝也不併經今見考工記作其辭曰
惟若寧侯毋或若女不寧侯不屬于王所故抗而歟女案人
部伉訓人名手部抗訓扞則抗爲正伉爲借字

高部

川部 邑外謂之郊郊外謂之野野外謂之林林外謂之川

不侔經今見尔疋釋地多郊外謂之牧句案毛詩駟馬傳亦云邑外曰郊郊外曰野野外曰林林外曰坳無郊外牧之說邵學士云詩疏尔疋釋文引李巡孫炎舊注俱有郊外牧之文毛許俱據尔疋爲說蓋異本也

崔高至也易曰夫乾崔然今作確說文無確用孟喜本作崔

寧部

京部

高部

昂部

寧長味也詩曰實覃實吁今作訂

富部

向部

齋部

來部

周所受瑞麥來斲一來二縫象芒束之形天所來也故爲行來之來詩曰詒我來斲今作貽我來牟貽爲詒之俗字斲通作牟釋文云牟字書作斲或麥文選典引注引韓詩章句亦作麥禮內則注牟讀曰整晉書音義引字林云鉞古矛字此牟矛字通之證也然來斲爲瑞麥則斲爲正字省作牟者字之借也麥部斲之重文爲葦疑詩本作葦轉寫脫落艸頭遂作牟字耳若麥字則說文所不收

鞅詩曰不鞅不來今詩無此文見尔疋釋訓云不俟不來也
邵學士謂釋訓多釋詩義故以訓解爲詩本經文重文爲後
轉寫脫一筆遂爲人旁矣

麥部

又部

憂和之行也詩曰布政憂憂今作敷政優優傳云和也尔疋
釋訓優優和也家語正論布政優優注亦訓和左氏成二傳
引詩亦作布政優優杜預曰布政優和布爲敷之重脣古音
多重脣故諸書作布不作敷人部優饒也與和義相近故優
憂可通用也

鞞繇也舞也樂有章詩曰鞞鞞舞我今作坎坎鼓我蹲蹲舞
我案土部墫引墫墫舞我則此經當云鞞鞞鼓我不當云舞
我矣然鞞訓舞廣韵亦以鞞爲舞曲名則鞞又當以舞爲義
矣尔疋坎坎墫墫喜也釋詁繇喜也與說文繇也之訓合人
部徭喜也邵學士謂坎與鞞同音許氏所據爲古本也玉篇
鞞和響之樂也今作鞞則鞞坎古今字

舛部

麤部

麤藝榮也尔疋曰麤藝也重文爲藁今作皇華蓋用重文而
省艸耳釋文作華皇石經亦作華皇邵學士謂說文多取互

訓以華訓皇不必定爲尔正原文也當从釋文及石經然郭璞據釋草莖華榮以釋華皇之義說文莖訓艸之皇榮也華榮也是莖華榮三字轉相爲訓此注當是引釋草文

韋部

韠韍也所以蔽前以韋下廣二尺上廣一尺其頸五寸一命緼韠再命赤韠不緼經今見玉藻多長三尺肩革帶博二寸兩句緼韠赤韠作緼韍赤韍市部市韠也上古衣蔽前而市以象之天子朱市諸侯赤市大夫葱衡重文爲韍大徐曰俗作紱玉篇云韍今作市案經傳通作芾詩候人傳芾韠也禮明堂位注韍或作鞞莊子作紱白虎通作紱皆通字也又儀禮士喪禮亦有一命緼韍句

第部

夂部

夂秦以市買多得爲夂詩曰我夂酌彼金罍今作姑傳訓且案廣韵夂多債利也說文酤賣酒也玉篇同漢書食貨志集注酤買也後漢書李雲傳注沽賣之逸民傳注沽謂街賣也又玉篇估估價也廣韵估市稅沽屠沽古从古之字多與市買義相因姑亦从古故與夂互通然毛訓且則字本作姑許所見益異本也據說文當以益多爲義

夂部 从後灸之象人兩脛後有距也周禮曰夂諸牆以觀

其橈今考工記作灸諸牆以砥其橈之均也

桀部

木部

栗果實如小栗春秋傳曰女摯不過栗栗今作女贄不過榛栗贄爲摯之俗錢詹事已著其說于養新錄矣以儀禮士冠禮士昏二篇俱从手土相見篇皆从貝蓋張滔所改也若栗之與榛說文榛木也一曰莛也與栗義全別詩鳴鳩釋文榛木名也字林云木叢生也字林榛木之字从辛木似梓實小如栗又曲禮釋文榛木名字林云叢生也古本又作栗字林云似梓實如小栗臧玉林氏曰字林榛訓木叢生栗訓梓實

如小栗與說文同陸氏兩引之誤勿爲一字耳詩釋文止當引木叢生之訓禮釋文止當引梓實之訓且元朗明云古本作栗是經傳未嘗亂栗栗之字與榛苦同也玉篇栗訓實似小栗榛訓木叢生與說文字林同而于栗下重榛字云同上此亦唐以後因經傳誤本而誤之非野王原本案九經字樣亦以栗榛爲一字唐人俱不識字也左思招隱詩注引高誘淮南子注云小栗小棘曰榛御覽引陸璣詩義疏云榛栗屬有兩種其一種大小皮葉如栗其子小形如杼子味亦栗所謂樹之榛栗也俱以栗榛爲一字

檣木也書曰竹箭如檣今書無此文江徵君曰此逸文也玉

篇亦稱說文曰書曰許君原本止稱書曰不稱何書今莫能
攷矣案周禮職方注故書箭爲晉杜子春曰晉當爲箭書亦
或爲箭儀禮大駝儀注古文箭作晉箭晉同字亦當據逸書
之文釋之

椽羅也詩曰際有樹椽今作槎玉篇槎之重文爲椽椽爲正
字槎爲滋溢之字顧氏誤亂之耳

棊槎識也夏書曰隨山棊本讀若刊今作刊隸古定本作棊
棊卽棊之篆文

彙衆盛也逸周書曰疑沮事闕今作聚疑沮事錢詹事曰許
所見本作彙疑沮事後轉寫脫彙字而於句尾贅一闕字而

二徐不能是正也說詳文集

樛木長兒詩曰樛差荇菜今作參差案參訓差槎訓參槎錢
詹事謂參槎卽參差之異文廣韵亦訓樛爲木長長則不齊
蓋樛亦參之異文也又廣韵樛訓禾長亦同義廣韵又作參
差史記作參差楚辭作嶮嵯皆字之附益也

楹柱也春秋傳丹桓宮楹今經無異文傳則有之字下次楹
字云棖也春秋傳曰刻桓宮之楹今經云刻桓宮楹傳則云
刻其楹左氏屬詞連前年丹楹事以成文句法當如是許君
則足成曰刻桓宮之楹以是知楹字下脫去之也非許君原
本也

楛柱砥古用木今以石易曰楛恒凶今易逸其文案尔正楛柱俗誤為手旁據此知亦當从木

耨摩田器論語曰耨而不輟今作耨漢石經作耨呂覽簡選鋤耨白框廣正耨椎也史記秦始皇紀鉏耨白框俱从木旁淮南汜論後世為之耒耜耨鉏史記龜策傳耕之耨之呂覽長利協而耨遂不顧管子小匡深耕均種疾耨俱从耒旁案集韻云耨或从耒耨之為耨猶耜之為耜也

標山行所乘者虞書曰予乘四載水行乘舟陸行乘車山行乘標澤行乘軻今書止有予乘四載文水行四句乃孔氏古文說也

槎衰斫也春秋傳曰山木不槎今三傳無此文案宋本說文無木字吳明經曰此是引國語山不槎葉文葉古文作𣎵與本字形相涉故誤為木又倒字耳

檣斷木也春秋傳曰檣柁今作檣柁之為檣則从篆文壽杙則魏晉字所造俗字孟子亦作檣杙易駝駝釋文以為本或作杙駝駝亦俗字當依說文作槩駝駝與柁从出得聲書之杙隍當依說文作隍隍說文柁訓斷讀若尔正駝無前足之駝郭云或說駝似虎而黑前無兩足左傳正義引服虔案神異經云檣柁狀似虎毫長二尺人面虎足豬牙尾長丈八尺能鬥不退是柁音為駝柁義亦為駝矣

編編部方木也春秋傳曰編部薦榦今作唯是編榦所以藉
幹者案榦字本音甫無切音府又音符而編榦釋文云步口
切與部字本音蒲口切同是陸亦讀榦如部也若薦之爲藉
儀禮士虞禮藉用葦席注云藉猶薦也左氏文十二年傳藉
寡君之命成二年傳苟有以藉口襄四年傳藉之以樂注俱
訓爲薦部榦以音薦藉以義遂兩破其字榦古从木今俱从
干作幹許君此經省文作四字句非脫落亦非左傳經文有
竄改也

檝積火燎之也詩曰薪之檝之周禮以檝燎祠司中司命今
詩禮俱無異文惟祠作祀祠之通祀詩生民傳著其說詳前
祠字下

楬桀也春秋傳曰楬而書之今三傳無此文疑是周禮物書
而楬之文

東部

林部

無豐也商書曰庶草繁無今作蕃廡釋文云無甫切案此亦
以洪範爲商書文選上林賦鬱蕃弱注蕃與繁古字通大戴
記爭鬥之獄番矣漢書禮樂志作繁古有無之無作无若亾
自諸經以無爲有無故此經从广以別之說文廡訓堂下周
屋音同而義則別尔疋蕪豐也亦當作無玉篇無豐盛也蕪

則說文訓葦不得有豐義今晉語不能蕃庶東京賦草本蕃
庶史記宋微子世家庶艸蕃庶俱作庶皆無之假為庶也

才部

彘部

之部

巾部

出部

黜熱黜不安也易曰熱黜今作輓說見前楸下荀爽王肅

陸續俱云當為惶忼

宋部

生部

毛部

叢部

萼部

鞞盛也詩曰萼不鞞鞞今作鄂文選江文通雜體詩青松挺

秀萼注鄂與萼同集韻萼或作噩為藎尔正作噩史記麻書

作作鄂索隱引李巡注亦作鄂

華部

禾部

稽部

巢部

柰部

束部

橐部

口部

圜回行也尙書曰圜圜升雲半有半無讀若驛錢詹事讀曰
圜斷句圜升雲句半有半無句益亦經師之說而許君足成

之

員部

貝部

買市也孟子曰登壘斷而罔市利今作必求龍斷而登之以
左右望而罔市利趙岐訓龍斷為堞斷而高者丁公著云龍
與隆聲相近隆高也是丁讀龍如字矣張鎰云龍斷罔壘之
斷而高者張讀龍為壘義亦為壘與說文合說文罔市利之
罔則買之壞字轉寫脫其半耳此經為買字解經不為罔字
解經也罔之重文為罔諸書俱用重文故孟子亦作罔或校
書者因今本孟子而改說文買作罔

邑部

郡周制天子地方千里分為百縣縣有四郡故春秋傳曰上
大夫受郡是也至秦初置三十六郡以監其縣今作上大夫

言文引經方證卷三
受縣下大夫受郡案周書作雒解曰國方千里分以百縣縣
有四郡郡有四鄙淮南時則訓注高誘曰周制天子地方千
里分爲百縣縣有四郡郡有四鄙故言上大夫受縣下大夫
受郡周制縣大郡小秦始皇兼天下初置三十六郡以監縣
耳高與許同義是說文本當作下大夫蓋漢時沿秦制郡大
縣小許君恐人惑其制故此經傳特加故字以別之先子
曰水經注引說文云故春秋傳曰上大夫縣下大夫郡是說
文本作下大夫寫書者亂之今玉篇亦作上大夫則又承寫
說文者之誤也

都有先君之舊宗廟曰都不僻經今左氏莊二十八年傳云
凡邑有宗廟先君之主曰都案一切經音義引字林云有宗
廟先君之主曰都孟子公孫丑趙注邑有先君之宗廟曰都
楚詞悲回風注邑有先君之廟曰都呂覽高注國有先君宗
廟曰都此漢人習用之義也又曰周禮距國五百里爲都今
周禮經無明文載師注司農引司馬法曰五百里爲都匠人
注都四百里外距五百里王子弟所封許君言周禮者周制
也非禮經之文也故周禮下無曰字

郟國甸大夫稍稍所食邑周禮曰任郟地在天子三百里之
內今作稍注云故書作削玉篇郟大夫食邑與說文同是義
當作郟注作削削卽郟之譌太宰家削之賦音義云本又作

郃

郃左馮翊郃陽縣詩曰在郃之陽今作洽傳云水也水部洽
霑也篇韻同漢書禮樂志集注亦同又訓洽為通為徧為溥
為浹皆與霑義相近無訓水者惟洽从合聲亦訓為合故洽
協字通詩洽比其鄰左傳作協比書協恭和衷史記作合和
郃亦从合得聲義亦為合尔正釋詁郃合也其明證也則洽
郃協三字俱通矣然風俗通義引詩亦作在郃之陽詩釋文
云郃本又作洽是陸所見本亦作郃也玉篇郃與說文同義
廣韻郃陽縣在同州則此經義當作郃不當以郃洽同音而
借洽為郃也

鬻殷諸侯國在上黨東北商書西伯戡鬻今作戡黎釋文曰
戡音堪說文作戣云殺也以此戡訓刺音竹甚反案說文戈
部戣殺也商書曰西伯既戣黎說文兩引商書俱作戣鬻校
書者於鬻下改戣為戡戣下改鬻為黎以今本商書改說文
許君則兩引無異文也故此条不入互異說戡戣音近義亦不遠鬻黎
音亦相同鬻地所在王光祿江徵君已詳其說矣又案伏生
大傳作戣耆伏生習今文是古文作戣鬻今文作戣耆也史
記周本紀敗耆國張守節引鄒誕生說耆本或作黎則耆與
黎亦通矣

鄒祝融之後妘姓所封不佞經今詩檜風釋文云本又作鄒

左傳國語俱作鄩又鄭語會人人表作會人漢書地理志集
注會讀曰鄩或作檜尔正序會粹舊說釋文云本又作檜檜
鄩音同得通


鄩臨淮徐地春秋傳曰徐鄩楚今作儀玉篇鄩同訓臨淮徐
地廣韵亦云鄩徐地而廣韵儀字注云亦州名本漢涅縣地
秦爲上黨郡武德爲遼州又爲箕州今爲儀州亦姓左傳徐
大夫儀楚是陸法言所見之左傳已作儀矣案鄩爲徐地楚
益食邑于鄩而以鄩楚稱之如頰考叔之類陸氏以儀爲姓
恐非鄩儀音同得通若其地則絕相遠陸法言不於鄩徐地
下引徐鄩楚以實之而於儀下引徐儀楚誤仍儀爲姓顛倒

甚矣

鄩部

鄉國離邑民所封鄉也沓夫別治封圻之內六鄉六鄉治之
不解經亦不見諸經瑑疑是周禮逸文儀禮覲禮沓夫承命
告于天子鄭注沓夫蓋司空之屬疏謂周禮六官司空官屬
亡而五官之屬無沓夫故鄭君云然鄉大夫各掌其鄉州長
各掌其州族師各掌其族閭胥各掌其閭又大司徒率六鄉
之衆小司徒比六鄉之吏鄉大夫令六鄉之吏會政致事俱
別治六鄉之義故疑許書所著爲周禮文先子曰鄭君引左
傳沓夫馳爲証左傳云夏書是沓夫爲虞夏之官小徐謂鄭

說文引經考證卷三終
君曾爲鄉嗇夫見後漢書本傳旣身爲其官而以爲司空之屬當無可疑六鄉治之當作六鄉治之



說文引經考證卷三終

說文引經攷證卷四

嘉定陳瑑學

邑後學徐邨參校

日部

口秋天也虞書曰仁閱覆下則稱口天今書無此文蓋書傳之文也吳明經曰孔傳作仁覆愍下謂之口天詩毛傳亦作仁覆閔下謂之口天錢詹事曰許氏往往取經師之說爲經之正文如木部相下引易正與此同例

摺昭晰明也禮曰晰明行事今儀禮士冠禮作質明行事戴禮禮器亦作質明而始行事周禮大司馬亦作質明注俱訓爲正家語亦作質明王肅云平明也士昏禮亦作質注云平

明也案祭法泰折注云昭哲也管子內業折折乎如在於側
注折折明貌洪範明作哲大傳及五行志並作慙小雅小口
篇作哲大有象傳明辨哲也虞本作折鄭本作慙云讀如明
星晰晰是晰質折慙遣並字異而義同然晰與質音微異東
京賦庭燎晰晰注晰又與析通蓋自四聲分而晰明之晰俱
改作質矣

晤明也詩曰晤辟有標今作寤說文寤訓寐覺而有信後漢
班彪傳注寤猶曉也曉義與明義相因陳風可與晤言列女
傳作可與寤言是晤寐通用之明證也

肝晚也春秋傳曰日肝君勤今作日肝君勞案尔正釋詁勞
勤也勤勞也轉注字也

廂日在西方時側也易曰日廂之離今作昃大徐以爲俗字
鄉不久也春秋傳曰鄉役之三月今作鄉案儀禮射禮鄉獲
者釋文云本作嚮嚮鄉向經傳通用故鄉亦省作鄉

昌美言也詩曰東方昌矣今云東方明矣朝既昌矣此疑校
書者誤之非許君原本也

暎乾也耕暴田曰暎易曰燥萬物者莫暎于離今作燥萬物
者莫煖乎火釋文云煖本又作暎說文火部煖乾兒煖暎之
爲一字信矣若離之爲火則用孟喜本耳案經文疾乎雷疾
乎風說乎澤潤乎水以類言之當以作火者爲正然盛言乎

良言良不言山也故孟氏作離

暱日近也春秋傳曰私降暱燕重文為昵今用重文

旦部

軌部

𠂔部

旗熊旗五游以象罰星士卒以為期周禮曰率都建旗今作師都建旗案地官序官師之言帥也漢書鼂錯傳集注師或作帥左氏桓二年傳不稱主帥釋文云本作師列子黃帝其國无師長釋文或作帥帥與率同荀子富國將率不能則兵弱議兵凡在大王將率末事注俱云率與帥同周禮樂師燕射帥射夫以弓矢舞司農注率當為帥詩率時農夫韓詩作帥亦是率從左傳作帥帥字古無去入之分率都即帥都亦即帥都字異而義不異

旛建大木置石其上發以機以追敵也春秋傳曰旛動而鼓詩曰其旛如林今左傳無異文賈逵曰旛為發石一曰飛石此許君所本晉書音義亦與說文同訓杜預訓旛為旛則本馬融為說也詩作會釋文云古外反則省旛為會而讀會如旛也會又同膾膾會皆省文也

冥部

晶部

月部

霸月始生霸然也承大月二日承小月三日周書曰哉生霸
今作魄同音鄉飲酒禮亦曰三日成魄劉歆三統歷云成王
元年正月己巳朔後三十年四月庚戌朔十五日甲子哉生
霸歆說固謬僞孔以生霸爲十六日尤謬生霸是三日說文
及禮經有明文矣先子曰當讀說文月始生爲句霸然也爲
句

有部

有不宜有也春秋傳曰日月有食之今作日有食之此是說
文有誤文錢詹事已著其說於文集矣

明部

囧部

盟周禮曰國有疑則盟諸侯再相與會十二歲一盟北面詔
天之司慎司命盟殺牲歃血朱盤玉敦以立牛耳案今周禮
秋官司盟之職曰凡邦國有疑會同則掌其盟約之載及其
禮儀北面詔明神既盟則貳之序官注則云盟以約信辭告
神殺牲歃血明著其信也天官玉府之職云若合諸侯則共
球槃玉敦注以盛牛耳歃血玉罍據此則許君所僞非周禮
原文蓋本經師之說而以己意足成之耳

夕部

夤敬惕也易曰夕惕若夤下讀若易夕惕若厲與今本同
古人讀夤如延夤緣莊子作延緣夤與乾協韻孟喜作夤絕
句許偁孟易兩引皆作夤其作厲者後人以今本易而亂說
文也惠侍讀曰厲乃占辭與悔吝等安得屬上句乎

夤部

母部

弓部

康部

鹵部

參部

東部

片部

鼎部

鼐鼎之絕大者魯詩說鼐小鼎案魯人申公受詩於浮邱伯
號魯詩許君所偁皆毛氏故特著魯詩以別之

鼐以木橫貫鼎耳而舉之周禮廟門容大鼐七箇卽易玉鉉
大吉也今作大肩七个錢詹事曰鼐卽肩之異文鉉又肩之
轉聲古讀肩爲沾泣切是也若个則箇之俗字說文箇訓竹
枚無个大學引書一介臣作个臣釋文云古賀反俗學行於
唐而以个箇爲物之以枚數月令左个右个及周禮此經俱

作个矣又別作個更俗

克部

衆部

禾部

種早種也詩曰種稚未麥今作種穉菽麥本部有穉無稚此亦校書者之誤也經傳菽叔未通用說文未豆也是止當作未菽字說文所無

種疾孰也詩曰黍稷種稷今作重穆釋文云重直容反先種後孰曰重又作種說文从禾邊陸从說文不誤而不以先種後孰爲說文說穆本又作種說文云種或从麥後種先孰曰

種案說文種之重文爲穆說用重文陸說不誤然無後種先孰之說

穎禾末也詩曰禾穎穉穉今作禾役毛傳役列也是毛本亦作役矣本部穉下亦引此經作禾穎許所見蓋異本也

秬一稔二米詩曰誕降嘉穀惟秬惟秠天賜后稷之嘉穀也今作誕降嘉種惟作維

積積禾也詩曰積之秩秩積積也亦引此經今作積之栗栗亦正栗衆也李巡云栗栗積聚之衆也廣雅玉篇同訓積爲積管子富國篇秩積也與說文同小徐亦訓積爲堆積已刈之禾邵學士曰積積秩栗皆聲之轉耳並字異而義同

言文引經考證 卷四
六
稗禾莖也春秋傳曰或投一秉稗重文爲杆今用重文作或
取一秉杆焉國人投之杜預杆藁也孫子作戰篇云莖杆一
石魏武帝亦注爲藁杆之言榦也禾之榦也說文稗下次藁
字稗也

耗二秭爲耗周禮曰二百四十斤爲秉四秉曰筥十筥曰稷
十稷曰秬四百秉爲一秬今見儀禮聘禮記作十六斗曰斂
十斂曰秉二百四十斗四秉以下與說文同案此文俱言器
量之事斤字或初疑斗字之形相涉然下次秬字云百二十斤
也則二百四十斤恰是兩秬不得云二百四十斗也周禮當
作禮記

稭復其時也虞書曰稭三百有六旬今作期衛包所改也禾
一季一孰故从禾王光祿曰稭與年同意今經傳季俱作年
稭俱作期矣

秭部

黍部

黏黏也春秋傳曰不義不黏今作暱案攷工記弓人職曰凡
昵之類不能方注故書昵或作檝杜子春讀爲不義不昵之
昵或爲黏是昵音同黏義亦同矣昵卽暱之重文

香部 香芳也春秋傳曰黍稷馨香今桓六年傳不同文此
亦許君以意足成也

米部

粃惡米也周書有粃書今作費案當从比得聲寫說文者誤
从北禾部从禾比聲之字訓不成粟與惡米義亦相近周禮
雍字注引書亦作柴玉篇分柴柴為兩字疏柴費同聲古人
假柴為費耳史記魯世家作勝未詳

氣饋客芻米也春秋傳曰齊人來氣諸侯重文為槩又為餼
今作餼說見前既字

穀部

白部

𣎵杼白也詩曰或簸或𣎵今云或舂或揄或簸或蹂案𣎵與

揄通許君引上句簸字乃舂字之譌釋文云舂傷容反揄音

由杼白也說文作𣎵是唐時說文尙作或舂或𣎵也玉篇揄

訓杼白𣎵亦訓杼白重文為揄說文挹杼也杼挹也揄引也

義皆相因說文𣎵之重文為抗又為𣎵周官女舂抗二人注

抗杼白引詩作或舂或抗

凶部

先部

𣎵部

麻部

未部

說文引經攷證 卷四
八

耑部

韭部

瓜部

瓠部

豐大屋也易曰豐其屋今作豐象上傳曰豐大也廣雅豐大也豐豐異文無異義

宗藏也示古文係周書曰陳宗赤刀今作寶說文寶珍也珍藏義相因則宗寶可通然說文無藏字

宀蔽也周書曰官中之宀食今無此文蓋逸文也

宀冥合也讀若周書若藥不眇眩今見商書說命篇作弗瞑眩國語孟子俱作弗瞑眩案宀以冥合爲義眇眩音同字通周書當是商書之誤

次貧病也詩曰榮榮在次今作嫫嫫在次釋文曰崔作榮方言楚曰儻或誤爲儻後漢書和帝紀注榮或作嫫一切經音義榮古文儻儻二形文選注引韓詩作惛惛在次周禮大司寇注無兄弟曰惛正月詩曰惛獨扶杜詩曰叢叢說文趨獨行也聲義俱近廣雅次貧也余正釋詁疾病也詩雲漢釋文疾本作次釋名釋疾病篇疾久病也久在體中經史俱作疾蓋次之爲疾久矣然說文無疾字

竅塞也讀若虞書曰竅三苗之竅今作竄說文竄匿也王光祿曰自匿曰竄納之穴中閉塞之曰竅音義全別瑑謂竅讀麤最切竄讀七亂切音則全別而義以相反而相成僞孔亦作竅衛包奉敕改爲竄孟子作殺

宮部

呂部

穴部

窀穸之厚夕春秋傳曰窀穸从先君於地下今不同文許君以意省之也

寢部

寢寐而有覺也周禮以日月星辰占六寢之吉凶一

曰正寢二曰寤寢三曰思寢四曰悟寢五曰喜寢六曰懼寢今諸書寢俱省作夢寤今作噩噩與鄂通詳前鞞字下鄂又省爲寤悟今作寤說文寤寐覺而有信曰寤悟覺也悟寤音義俱同

疒部

疒小腫也一曰族癩不偁經此是左氏傳不疾族蠡文釋文云蠡說文作癩癩皮肥也今說文無癩字錢詹事著其說云說文癩訓畜產疫病也癩爲疒字癩則癩之聲相近字俗書癩爲累或加疒旁而陸元朗以爲說文作癩誣矣癩亦俗字蠡癩聲亦相近

癰脛氣足腫詩曰既微且癰重文為癰今用重文誤允為九
誤童為重

勺部

託奠爵酒也周書曰王三宿三祭三託今作吒衛包所改也
釋文云陟嫁反字亦作宅又音妬徐又音託馬作託與說文
同案託吒亦言口二部互相出入字

冂部

曰部

网部 网耳也易曰參天网地今諸書參网之网俱作兩本
部兩二十四銖是兩為斤兩之兩與參网之网微別

网部

罷遣有臯也言有賢能而入网而貴遣之周禮曰議能之辟
案此注引經以申明注文而正文罷字之義自明不然當引
經傳罷字義不當引能字義以釋罷字此又許書之一例也

面部

巾部

微幟也春秋傳曰揚微者公徒今作微杜云識也與說文同
釋文云說文作微識也知說文本作識本部無幟字新附有
之今作幟者斧季誤之也案廣雅云微幡也集韻云微通作
微通典引盧植禮記注微章也又引王肅禮記注云微謂旌

旗旂也微正字徽假借字又大傳殊徽號鄭注云或作禕東
京賦戎士介而揚揮薛綜云揮謂肩上絳幟如燕尾者也則

微又通禕揮矣

臂褻布也周禮曰駟車犬臂今巾車之職云王之喪車五乘
木車蒲蔽然禕素車芬蔽犬禕藻車藻蔽鹿禕駟車藿蔽然
禕漆車藩蔽犴禕集韻臂或作禕儀禮既夕記曰狗臂注古
文臂為冪一作幘又同冪說文有冪無幘若禕

巾部

帛部

白部

衤部

苜部

黼合五采鮮色詩曰衣裳黼黼今作楚楚傳訓鮮明兒玉篇
亦引作黼黼案後漢書王充王符仲長統傳注俱訓楚楚為
鮮兒何進傳注則曰鮮明兒皆假黼作楚也釋文云楚楚如
字說文作黼黼云會五彩鮮色也以本部黼會五采繒色之
文例之則此注合五采當作會五采陸所見本不誤

人部

依冠飾詩曰弁服依依今作載弁繫傳作戴弁

仇人名論語有陳仇今作亢釋文音剛又苦浪切陸元朗此

言... 恫之恫後轉寫脫落讀若字遂改恫爲侗耳

憚疾也周禮曰勾兵欲無憚今作彈注云故書彈或作但案廣雅釋詁憚明也但从旦得聲旦亦訓明見詩葛生箋則憚但字通玉篇據說文引周禮廣韵引周禮俱作憚彈司農云掉也御覽引字林云彈拚也拚使戰動掉彈也則彈爲正字憚爲假借字

偏熾盛也詩曰豔妻偏方處今作煽案漢書谷永傳注引詩作扇偏之省文也說文無煽大徐於火部新附煽字

儆戒也春秋傳曰儆宮今三傳無此文當是左襄十九年傳令司宮巷伯儆宮文

儂仿佛也詩曰儂而不見今作愛錢詹事謂竹部簾即儂而不見之變此亦經師之本互有異同儂變一也

儻精謹也明堂月令數將儻終今小戴月令篇作數將幾終玉篇儻精詳也月令云數將儻終廣韵儻精也明堂月令曰歲將儻終玉篇作數廣韵作歲儻益幾之異文五經文字不收儻字

試惕也春秋國語曰於其心試然今作戚然蓋傳寫之譌廣韵試意慎試也管子中心必式式與試聲義俱相近

假非真也一曰至也虞書曰假于上下今作格案假格通用今正義本祖考來格惟先格王格人元龜格于皇天史漢俱

言文可治五言卷四
作假又士冠禮注今文格爲嘏是从各从段之字本通也
倂鄉也少儀曰尊壺者倂其鼻今作面案廣雅釋詁倂俏也
漢書賈誼傳集注引應劭說倂背也楚辭倂規矩注亦云背
也倂兼鄉背二義反相爲訓也秦策西面而望天下注面向
也廣雅釋詁面嚮也趙岐孟子注面者向也周禮擇人王正
面禮玉藻君子面尊注皆云面猶鄉也名誥面稽天若注面
猶迴向也是倂面同義亦同字矣

佃中也春秋傳曰乘中佃一轅車今作乘衷甸兩牡案楚語
又能齊肅衷正周禮春官序官注引作中正左傳用其衷注
衷中也文選五君詠注衷中心也衷中同音同義又春官序
官甸祝注漢書地理志集注俱云甸之言田也小宗伯若大
甸注讀甸爲田田有中義易田獲三狐虞注地中曰田與許
君佃中之訓合是佃卽田矣孝經注田獵釋文云田本作佃
史記趙世家田不禮墨子作佃其明證也兩牡杜注一轅卿
車此亦許君以意說經非有異文也

倂小兒詩曰倂倂彼有屋今作倂倂玉篇倂亦據說文引詩
作倂倂廣韻倂訓小舞倂訓小兒尔疋釋訓倂倂小也是倂
倂本一字說文無倂疑亦齊梁間俗字

恍小兒春秋國語曰恍飯不及一食今作恍飯不及壺殮
恍愉也詩曰視民不恍今作恍案左昭十年傳引詩亦作恍

說文心部無恍

僻避也詩曰宛如左僻今作宛然左辟釋文音避又婢亦反僻辟經典多通用

俄行頃也詩曰仄弁之俄今作側案漢書集注屢言仄古側字尔正穴出仄出也釋文云本作側考工記仄行注故書仄爲側

催相擣也詩曰室人交徧催我今作摧釋文云本作灌疑催之誤案韓詩作謹侯成碑鴻零金廣延母紀產碑五內催碎義當爲摧俱作催是漢人固催摧通用也

匕部

匕部

歧頃也詩曰歧彼織女今作歧訓足多指與歧音同義別印望欲有所庶及也詩曰高山印止今作仰荀子議兵篇上足印則下可用也楊倞曰印古仰字說文此注亦當連上篆字讀印望二字斷句

从部

比部

恣慎也周書曰無恣于卹今作恤說文卹恤同義同音詳前暗字下偽孔改卹爲恤

北部

𠂔部

𠂔部

𠂔衆詞與也虞書曰𠂔咎繇今作暨泉陶案泉爲暨之古文
禹貢淮夷蠙珠暨魚史記夏本紀漢書地理志作泉朔南暨
漢書亦作泉咎繇之與泉繇詳前謨字下

壬部

重部

卧部

身部

身部

衣部

袍襦也論語曰衣弊緼袍今作敝釋文云弊本又作敝是陸
亦作弊也弊敝本通用字詩緇衣敝笱禮運刑肅而俗敝郊
特牲冠而敝之釋文俱云敝本又作弊

繡袍衣也春秋傳曰盛夏重繡今云盛暑重繡尔疋袍繡郭
亦引左傳作繡玉藻纁爲繡雜記子羔之襲也繡衣裳釋名
繡幕也義皆爲繡俱省作繡矣

衿裾也論語曰朝服衿紳今作拖案它之篆文爲衿與也之
篆文爲𠂔形相涉故从它之字俗俱从也然从衣之衿篇韻
俱訓裾與說文合从手之拖篇韻俱訓曳與說文合皇侃亦

訓拖爲牽則義當从手其从衣者許所見之本異以衽拖同音相假非以其義也釋文云拖本又作拖則拖爲正文拖爲俗字陸本尙不誤

襜線也詩曰載衣之襜今作襜段大令曰字之假借也瑑案韓詩作襜

襜重衣兒尔疋曰襜襜襜大徐謂說文無襜字尔疋亦無此語孫觀察曰卽委委佗佗之異文襜乃隤之譌先子曰漢書景十三王傳曰崔隤注猶言蹉跎也是隤佗同音之證錢詹事曰卽僂僂洄洄之譌文然上有夢夢不應重出僂僂洄洄或作襜襜見釋文釋文又云委諸儒本並作禕

袪衣張也春秋傳曰公會齊侯于袪今桓十五年傳作會于袪經書公會宋公衛侯陳侯于袪不言齊

襦短衣也春秋傳曰有空襦今三傳無此文吳明經云本部祇裯短衣襦與裯音義俱同空襦當卽公子裯公子譌爲空曰字衍先子曰史記魯世家魯人立裯徐廣曰一作裯廣韻襦音貂釋名貂貂也是从鳥从召从周之字可互通也陳司馬曰襦或卽季公鳥之襦公譌爲空

裕衣物饒也易曰有孚裕無咎今作罔孚裕无咎案此經義當爲罔其曰有孚者涉隨卦有孚在道以明何咎而誤无之爲無校書者亂之也

裘部

老部

毛部

毳以毳為縹色如麩故謂之毳麩禾之赤苗也詩曰毳衣如
 毳今作璊說文璊玉赭色也禾之赤苗謂之麩陸元朗引說
 文璊字注之說麩作璊說文璊訓松公木朱訓赤心木松栢
 屬璊為松心亦赤心矣與玉赭色相似玉之赭為璊木之赤
 心為璊毳之赤為毳三字音義俱同以類別之耳山海經中
 山經條谷之山其草多疊冬注云一名滿冬疊即麩麩與从
 滿之字通其明證也

毳部

尸部

尺部

尾部

履部

舟部

舫部

漁部

字

舟部 舟船也古剡木為舟剡木為楫不偃經今見易

舫船師也明堂月令曰舫人習水者今月令云命漁師鄭注

漁師為榜人案旁為方之重唇字大射儀左右曰方當即旁

字

方部

航方舟也禮天子造舟諸侯維舟大夫方舟士特舟今見尔雅釋水三禮無此文案此非禮之逸文許君言禮者非併禮經也言禮制當然耳此節亦釋注

儿部

兄部

无部

兒部

尅冕也周曰尅殷曰吁夏曰收不稱經今見禮郊特牲無曰字尅作弁案尅之重文爲輿爲弁今作弁者輿若弁之壞字也吁今作辱說文無辱字

𠂔部

先部

秃部

見部

覲小見也尔疋曰覲髮弗離今作第離邵學士謂覲髮弗離皆雙聲凡雙聲之字義存乎聲則第弗以聲同得通

覲暫見也春秋公羊傳曰覲然公子陽生今作闖吳明經云闖卽閃之譌閃與覲同禮記注淦之言閃也釋文云閃失毋反與覲字異音同先子曰木華海賦蜩像暫曉而閃屍注云閃暫見兒此與覲舜二字又同義蓋字異而音義俱不異

覲部

覲很視也齊景公之勇臣有成覲者不侖經今孟子滕文公篇作成覲祭義見間以俠無分覲字為見間二字皆覲之俗體也

欠部

欸怒然也孟子曰曾西欸然今作楚音義云同跽案孟子蹴爾而與之注蹴蹋也廣雅蹴蹋也說文蹴躡也義當作蹴禮哀公問孔子蹴然注敬兒莊子大宗師仲尼蹇然釋文云改色之兒皆當作欸今俱作楚者同音相假也又說文跽行平易也與欸同取未聲而義微異

歎吟也詩曰其歎也詞今作歌歌詞古今字

歆歆也春秋傳曰歆而忘今作如案如之重唇為而古人訓而為如者以聲為義也故而亦訓爾女之女服虔亦訓為而杜預則望文生義矣

欲蹴鼻也讀若尔疋曰麇豶短脰今作麇麇案說文豶牡豕麇牡鹿豶麇同義同聲从豕从鹿以類別之又說文麇麇牝者竊疑尔疋此經言麋鹿之屬則麇為正文豶為假借也

吹詮詞也詩曰吹求厥寧今作遙尔疋釋詁遙循也孫炎云古述字讀聿是也小雅見覲曰消大雅曰喪厥國韓詩俱作聿此經遙追來孝禮器引作聿追縣子曰有先後子曰有奔

走楚詞俱作聿大雅曰嬪于京尔疋釋親注作聿嬪爾風曰
爲改歲漢書食貨志作聿爲是聿曰適三字並通說文曰詞
也與吹同義許君偁詩皆毛氏毛氏多用古文知毛本作吹
錢詹事曰古文作吹省文作曰其作適者申公魯公今文家
之本也尔疋坎律銓也坎疑是吹之譌

飲部

次部

兂部

寇事有不善言寇也尔疋寇薄也今尔疋無此文大徐以亮
字當之非釋詁亮信導也左也左右亮也四訓俱當作諒臧

玉林先生曰廣雅寇禡也說文水部涼薄也詩職涼善背傳
云涼薄也左傳虢多涼德君子作法於涼杜俱云涼薄也皆
與寇聲同得通郭忠恕汗簡收諒涼二字云見古尔疋蓋本
許書而小變其體北宋時未必郭氏獨見古尔疋也先子曰
曹憲博雅音世人諒薄之諒水旁著京失之說文無禡廣雅
之禡未詳所本玉篇以禡爲薄

說文引經攷證卷四

